

**Ammasumik ataatsiinnermi oqaluuserisassat:**

**Imm. 01 Oqaluuserisassat akuersissutigineri**

**Imm. 02 Siulittaasup nalunaarutai**

**Aningaasaqarnermut tunngasut**

**Imm. 03 Balance-t**

**Suliassat nalinginnaasut**

**Imm. 04 ”Saligaatsoq”**

**Imm. 05 Aalisartunut neqitsersuisarfissaq**

**Imm. 06 Neqitsersuisarfikussa q pillugu saaffiginnissut**

**Imm. 07**

**Paasissutissiissutit / Ilisimatitsissutit**

**Imm.08 Tamalaat.**



*Nunaqarfinmi aqutsisut 18.Marts 2020 nal 13:00  
ileqquusumik ataatsimiinnera 004/20*

Ataatsimiinneq aallartippoq nal. 13:00

*Peqataasut:*

***Atassut***

Albrichtine Lynge

***Siumut***

Barnabas Larsen

Efraim Olsen

*Nalunaaruteqarlutik peqataanngitsut:*

*Nalunaaruteqaratik peqataanngitsut*



**Imm. 01 Oqaluuserisassat akuersissutigineri**

**Aalajangiineq**

Akuerineqarput



**Imm. 02 Siulittaasup nalunaarutai**

**Aalajangiineq**

Tusaatissatut tiguneqarput



**Imm. 03 Balance-t**

*J.nr. 06.00.01*

Maleruagassatigut tunngavissat.

Karseqarnikkut Qeqqata Kommunia-ta maleruagassaa.

**Innersuussut**

Allaffeqarfiup innersuussutigaa,ilaasortanit tusaatitut tiguneqassasut

**Aalajangiineq**

Tusaatissatut tiguneqarput



## **Imm. 04 "Saligaatsoq"**

*J.nr.34.02*

### Tunuliaqutaq:

E-mail-kkut saaffiginnittoq Ivinnguaq Kristiansen, oqaluuserisassatut siulittaasumit Barnabas Larsen-mit akuersissutigineqarpoq.

*Saligaatsoq 2020-mut atatillugu CSR Greenland suleqatissarsiorpoq - Illoqarfinni nunaqarfinnilu tamani Saligaatsoq 2019 Kalaallit Nunaanni tamani inuussutissarsiutinik ingerlataqartunit tapersorsorneqarluarpoq. Illoqarfiit 17-it nunaqarfiillu 8-10-t peqataapput. Saligaatsoq nuna tamakkerlugu ulloq saliiiffiusussatut CSR Greenlandimit anguniarneqarpoq.*

Anguniagaq tamanna aatsaat iluatsissinnaavoq najukkami najugaqartut peqataalluarnersigut suleqataanersigullu. Taamaattumik illoqarfissi nunaqarfissiluunniit peqataanissaanut kaammattorusupparput, kommune, najukkami suliffeqarfiit namminerlu piumassusertik malillugu peqataarusuttut peqatigalugit Saligaatsoq pillugu najukkami pilersaarusoqatigiimmik pilersitsinikkut. Saligaatsup ulloq ingerlanneqarfissaa najukkami nammineq aalajangerneqarsinnaavoq. Tamanna aput aariarpat imaluunniit ulloq Inuiattut Ullorsiorfik sioqqullugu ingerlanneqarsinnaalluni. Illoqarfissi nunaqarfissiluunniit ukiumoortumik ullormik saliiiffimmik ingerlataqarneq ileqqoreersimappagu, ulloq saliiiffissarsi nalunaarutiginnarsinnaavarasi. Saligaatsoq ingerlanniarlugu makku pisariaqarput:

- Najukkami aqutsisussat
- Najukkami pilersaarusoqatigiinni peqataasussat
- Najukkani makkununga aningaasaliisussat:
- Aaqqatit
- Eqqakkanut puussiarsuit
- Ullormi Saligaatsup ingerlanneqarfiani imermik, naatitanik tamulugassanillu pilersuisussat
- Eqqakkanut puussiarsuarnik katersorneqartunik katersuineq eqqaaveqarfimmullu angallassineq
- Najukkani allagarsiinerit
- Najukkani pinnatassiinerit
- Ullormi saliiiffiusumi najukkami assiliisussat

Pilersaarusoqatigiit suliassaarut allat:

- Najukkami aningaasaliisinnaasunut qinnuteqarnerit
- Peqataanissamut aggersaanerit ilannguttussanillu nalunaartitsinerit
- Aningaasaliisussat tunniussatik sumut qaqugulu tunniussisinnaanerannik ataqatigiissaarineq
- Peqataasut atortussanik aallerfissaat
- Peqataasut sumiiffinni assigiinngitsuni sumi saliinissaannut nunap assiliorneq
- Igitanik katersukkanik aallertussat ataqatigiissaarneqarnerat
- Najukkami assiliartalinnik qujassutitut allagarsiinissaq/tusagassiorfitsigut nalunaaruteqarnissaq



- Pisup ingerlanera pillugu angusallu pillugit CSR Greenlandimut nalunaarusiornissaq CSR Greenland Saligaatsup pilersaarusiornerani ataqatigiissaarisuussaaq, siunnersuisuussaaq ikiutissallunilu. Saligaatsup logo-a ilanngullugu nassiunneqarpoq. Taannalu saliinermut atatillugu atorsinnaavarsi. Ilissi illoqarfissinnut nunaqarfissinnulluunniit Facebook-imi eqimattamik (Facebookgruppe) pilersitsineq aamma neqeroorutigisinnaavarput. Taannalu sumiiffinni ataqatigiissaarisut nammineerlutik aqutarisinnaavaat.

### **Innersuussut**

Allaffeqarfiup innersuussutigaa, ilaasortanit oqallisigalugu aalajangiiffigineqarumaartoq.

### **Aalajangiineq**

Tusaatissatut tiguneqarpoq.

Ingerlatitseeqqittoqassaaq taamatut ingerlatsereernermik assinik takussutissanik assiliisoqartassaaq.



## **Imm. 05 Aalisartunut neqitsersuisarfissaq**

*J.nr. 51.08.06.08*

### Tunuliaqutaq:

Kangaamiuni aalisartunut neqitsersuisarfissaq qanoq malerugassaqaassava ? Kiap tamanna akisussaaffigissavaa ? Oqaluuserisassanngortitsisoq nunaqarfimmi aqutsisuni ilaasorta q Efraim Olsen, oqaluuserisassatut siulittaasumit Barnabas Larsen-mit akuersissutigineqarpoq.

Illu pilersitaq naleqangaatsiarmat aamma aallaqqaataaniit malittarisassaqaqtariaqarpoq pisortat atuisuusullu akisussaqaataaffigisaannik. Siunnersuuteqartup pissutigivaa killeqanngivissumik maannatut atuisoqassappat aningaasartuutit imaannaassanngimmata. Assersuutigigaanni maanakkut atornerqartoq akisussaaffiginngikkaluarlugu malinnaavigisimavaa aammalu innaallagissamut atuinera kommuunip avataanikkaluartoq malugisarpaa unnuarsuarmut ikumasartoq, aammalu ilaatigut unnuap-qeqqa tikillugu inoqartartoq. Taamaattumik nutaaq atulerpat nakkutilliineq annerusoq pisariaqassagunarpoq ammatiinnarneqassava ? parnarneqartassava ? il.il. Illu sillimateqartinneqartussaavoq tamannalu sanaartortitsisup akisussaaffigaa tassalu Kommuunip. Taamaattumik qanoq ilisukkut ajutoormik pisoqarsinnaanera nakkutigineqartariaqarpoq unnuarlutaamaat innaallagissamik atuisoqartassappat tamanna akisusinnaavoq, tamannalu kimit isumagineqartassanersoq erseqqissumik najoqqutassaqaqtariaqarpoq

### Pissutsit atuuttut:

Neqitsersuisarfik massakkut atortoq Kommune-miit kikkulluunniit aalisartut susassaqaqtullu atorsinnaavaat. Imminnut ikioqatigiillutik torersuunissaa allatullu atorfissarinngisaanut atunnginnissaa isumagisaraat.

Taannalu nutaassamut aamma atornerqassaaq, pisariaqarporlu malittarisassanik siunnersuusiortoqassasoq taannalu nunaqarfimmi aqutsinit, allaffimmiit, atuisussaniillu isumagineqassaaq.

Assersuutitut eqqaaneqarpoq Maniitsumi atuisut namminneq akisussaaffigigaat Kommune-mit ingerlanneqarnera akilerneqartarluni, uani orsersorneqarnera pineqarpoq.

## **Innersuussut**

Allaffeqarfiup innersuussutigaa, malittarisassat ”Sannavik” tunngasut assersuutitut atorlugit malittarisassaliortoqassasoq.

## **Aalajangiineq**

KAPP qaaqquneqarumaarpoq tamannali pitinnagu ilaasortaaminnik isumasiuissasut malittarisassat eqqarsaatigalugit.

Allaffiginerani ilanngutillaqunarpoq, imertartarfinnut baalianik uninngatitsineq sukannersumik unitsittariaqartoq.





**Imm. 06 Neqitsersuisarfikussaq pillugu saaffiginnissut**

*J.nr. 51.08.06.08*

Tunuliaqutaq:

Oqaluuserisassanngortitsisoq Kangaamiuni KAPP -ip siulittaasua Jens Lyberth, oqaluuserisassaq siulittaasumit Barnabas Larsen-mit akuersissutigineqarpoq.

KAPP ilaasortaminit ataatsimiisitsinermini piumasarineqarpoq neqitsersuisarfittut atorneqartoq (Elværkikoq) puisit amiinik qassaasarfissatut atorneqartassasoq.

Pissutsit atuuttut:

Elværkikoq B 910 kiileria eqqaaviit, wc-llu puussaanut ittujaarsiviuvoq massakkut neqitsersuisarfiup atorunnaarnissaa pillugu allaffiup pisortaa, kiisalu Teknikkeqarfik isumaqatigiinnikuupput eqqaaviit, wc-llu puussaannut ittujaarsuivinnngortinneqassasoq.

**Innersuussut**

Allaffeqarfiup innersuussutigaa, KAPP-miit saaffiginnissut itigartinneqassasoq.

**Aalajangiineq**

Itigartitsissutigineqarpoq.

Innersuussutigineqarpoq neqitsersuivissami qassaasoqartassasoq.

Allakkanik ingerlatitsivigineqassapput.



•

**Imm. 07**

**Paasissutissiissutit / Ilisimatitsissutit**

1. Atuarfiup siulersuisuisa ataatsimiinnerannit imaqarniliaq ulloq 26/2/2020
2. Nunaqarfimmi aqutsisut ataatsimiinneranni imaqarniliaq ulloq 19/2/2020
3. Allaffiup pisortaata qaammat Februar 2020
4. “Oqalliffik” imaqarniliat ullut 30/1-20 27/2-2020
5. Kangaamiuni arsaattarfissaq pillugu.Siulittaasumit nassuiaassutigineqassaaq.



**Imm.08 Tamalaat.**

- Katersugaasivimmut qinnuteqartut eqqaaneqarput.
- Allagarsiivinnut nivinngaasoqarpoq Haaleqqap -Klubbillu ammasarneri pillugit.



*Nunaqarfinmi aqutisut 18.Marts 2020 nal 13:00  
ileqqusumik ataatsiinnera 004/20*

Ataatsiinneq naammassivoq nal.14:40

